



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De crebrâ per diem mentis in Deum elevatione ex omnibus, quæ per
sensus attinguntur, animæque potentiis se objiciunt

Limpens, Ferdinand

Coloniæ Agrippinæ, 1744

Pluvia.

Nutzungsbedingungen

[urn:nbn:de:hbz:466:1-54773](#)

Plinio tremefactæ fœtum effundunt, Sic peccator differens pœnitentiam fulmine sive physico sive mortali, v. g. vivâ imaginatione inferni territus virus peccati ejicit. Et in hoc sensu etiam intonuit de cælo (sæpè in S. Script. cælum pro aëre ponitur) Dominus, & Altissimus dedit vocem suam, grando & carbones ignis [fulmina & fulgura sic appellantur] & misit sagittas suas (fulmina hæc sunt irati tela trisulca Dei) & dissipavit eos, fulgura multiplicavit, & confundebat eos. Ps. 17.

Nix.

NUnquid ingressus es thesauros nivis, aut thesauros grandinis respexisti? Job. 38. Nempe multa scire vis, & originem eorum, quæ roties vides, non intelligis. Asperges me hyssopo, & mundabor, lavabis me, & super nivem deatabor. Ps. 50. Per pœnitentiam. Tegens firmum aut sterquilinium nix symbolum hominis pulchri, sed peccatoris.

Pluvia.

Exspectabant me sicut pluviam, & os suum aperiebant quasi ad imbre serotinum. Job. 29. Hoc verificatur in homine sacrâ doctrinâ & eloquentiâ apud proximum fructificante. Terra venientem super se bibens imbre, & generates herbam opportunam illis, à quibus colitur, accipit benedictionem à Deo. Hebr. 6. Terra cor humanum, quod cum imbre divinæ gratiæ profert fructum.